



周禮

五

12  
3429  
5



門 12  
號 341.9  
卷 5

周禮卷二十八

二十八

漢大司農北海鄭玄註  
皇明後學東吳葛蘊訂

馬

義疏凡國事無非政而  
獨於司馬言政者張  
皇六師然後禮樂征  
伐自天子出而政行  
於天下○司馬司兵  
而馬者軍政莫重  
於馬○第乘千乘百  
乘之類亦然

道廣百乘司馬掌車行  
司馬掌徒軍司馬掌之

司馬政官之屬百有八

惟王建國辨方正位體國經野設官分職以為民極乃立夏官司

馬使帥其屬而掌邦政以佐王平邦國

政官之屬大司馬卿一人小司馬中大夫二人軍司馬下大夫四

人輿司馬上士八人行司馬中士十有六人旅下士三十有二人

司農 司馬政官之屬

早稻田大學圖書  
昭和 34.11.6  
藏書

夏以僅六年五倍晉侯作三  
行以禦狄遂至晉置中上下  
三軍今復增置三行蓋天子  
六軍之名級各軍為行取  
於行司馬之名

周禮

卷二

元懷宣

府六人史十有六人胥三十有二人徒三百有二十人

與眾也行謂軍行列晉作六軍而  
有三行取各於此○行戶剛反

凡制軍萬有二千五百人為軍王六軍大國三軍次國二軍小國  
一軍軍將皆命卿二千有五百人為師師帥皆中大夫五百人為  
旅旅帥皆下大夫百人為卒卒長皆上士二十五人為兩兩司馬  
皆中士五人為伍伍皆有長

軍師旅卒兩伍皆眾名也伍一比兩一間卒一旅一黨師一  
州軍一卿家所出一人將帥長司馬者其師吏也言軍將皆命  
卿則凡軍帥不特置選於六官六鄉之吏自卿以下德任者使  
兼官焉鄭司農云王六軍大國三軍次國二軍小國一軍故春  
秋傳有大國次國小國又曰成國不過半天子之軍周為六軍  
諸侯之大者三軍可也詩大雅常武曰赫赫明明王命卿士南

賈公彥曰有軍則置之  
也則已故至言府之史  
大夫而此言其數以見其  
又曰軍以變為先故首  
司勳

師衛曰先馬謂言官先後  
不以曾卑直取事急者為  
前事後者居後是也

賈公彥曰以其掌軍之  
星舍置其市朝州津軍  
社之祿軍且問其有祿事  
以軍事為重故列職於此

仲大祖大師皇父整我六師以修我戎既徹既戒惠此南國大  
雅文王田周王于邁六師及之此周為六軍之見于經也春秋  
傳曰王使虢公命曲沃伯以一軍為晉侯此小國一軍之見于  
傳也百人為卒二十五人為兩故春秋傳曰廣有一卒卒偏之  
兩○將子匡反凡軍將將帥之類故此帥所類反長  
丁丈反比毗志反大祖音秦下大師大僕同父音甫

一軍則二府六史胥十人徒百人

司勳上士二人下士四人府二人史四人胥二人徒二十人

馬質中士二人府一人史二人賈四人徒八人

質平也主買馬平  
其大小之賈直

量人下士二人府一人史四人徒八人

司農

司馬政官之屬

二

元懷宣

晉及師斬牲狗陳董  
故在此

云百羊屠南方大司馬大  
官故在此

實險言國職掌修城郭  
清池樹國之拒國而  
言司職周初以  
之阻而幸且道險  
左野而言易於國和曰險者對文則險固異故文則通

周禮

量猶度也謂以丈尺度  
地○量音亮度待洛反

小子下士二人史一人徒八人

小子主祭  
祀之小事

羊人下士二人史一人賈二人徒八人

司燿下士二人徒六人

故書燿為熈杜子春云燿當為燿書亦或為燿燿為私火支謂  
燿讀如子若觀火之觀今燕俗名湯熱為觀則燿火謂熱火與  
燿古喚反燿哉約反李  
又音灼觀古喚反下同

掌固上士二人下士八人府二人史四人胥四人徒四十人

固國所依阻者也國曰固野曰  
險易曰王公設險以守其國

司險中士二人下士四人史二人徒四十人

掌疆中士八人史四人胥十有六人徒百有六十人

疆界也○  
疆居良反

候人上士六人下士十有二人史六人徒百有二十人

候候迎賓  
客之來者

環人下士六人史二人徒十有二人

環猶卻也以勇力  
卻敵○卻起略反

挈壺氏下士六人史二人徒十有二人

挈讀如繫髮之繫壺盛水器也  
世主挈壺水以為漏○盛音成

司農

司馬政官之屬

三

大夏堂

義既候本王境上候望而有  
方事則自有學訓之送之者大  
送非候人之職矣注以爲候  
人則非也蓋未通會秋官  
掌甸之職或或以候人爲  
掌甸之職也  
實曰其爲掌甸師掌甸是  
皆掌甸也故在此  
周匝之義

義既候本王境上候望而有  
方事則自有學訓之送之者大  
送非候人之職矣注以爲候  
人則非也蓋未通會秋官  
掌甸之職或或以候人爲  
掌甸之職也  
實曰其爲掌甸師掌甸是  
皆掌甸也故在此  
周匝之義



實為言其衆  
義疏此職常侍左右凡王  
登車下車易服馳服之  
節及凡而之溫房在視  
而問其目

王應靈曰其職至純無以  
逐疫而武以正其不正  
三羊遊寓夏官

夏官為四官別職同官  
故其有吏居位

勇

不言徒曰虎士則虎士徒  
之選有勇力者○賁音奔

旅賁氏中士三人下士十有六人史二人徒八人八賁八十八人

節服氏下士八人徒四人

世為王節所衣  
服○為千僞反

方相氏狂夫四人

方相猶言放想可畏怖  
之貌○放想方丈反

太僕下大夫二人小臣上士四人祭僕中士六人御僕下士十有

二人府二人史四人胥二人徒三十人

僕侍御於尊者之  
名太僕其長也

何春新曰隸僕至五  
寢之潔非後軍人則  
不給

隸僕下士二人府一人史二人胥四人徒四十人

此吏而曰隸  
以其事褻

弁師下士二人工四人史二人徒四人

弁者古冠之犬稱  
委貌緇布曰冠

司甲下大夫二人中士八人府四人史八人胥八人徒八十八人

甲今之鏡也司甲兵戈盾官之長  
○鑑苦愛反盾常允反又音允

司兵中士四人府二人史四人胥二人徒二十人

司戈盾下士二人府一人史二人徒四人

戈今時句予戟○句  
予古侯反下音結

司農

司馬政官之屬

五

永懷堂

既文則更長於六寸

齊既其取掌子繁有堅  
勁而善堪為用者乃入  
籍人

雲多乃非百掌矣  
第主弓弩矢服等  
三之皆以掌為主

王安石曰非百掌矣  
云齊者教須也

周禮

卷三

五

承懷堂

司弓矢下大夫二人中士八人府四人史八人胥八人徒八十人

司弓矢弓弩矢箠  
官之長○箠音服

繕人上士二人下士四人府一人史二人胥二人徒二十人

繕之言勁  
也善也

橐人中士四人府二人史四人胥二人徒二十人

鄭司農云橐讀為芻橐之橐前幹謂之橐此  
官主弓弩箭矢故謂之橐人○橐古老反

戎右中大夫二人上士二人

右者參乘此充戎路之右田  
獵亦為之右焉○乘繩證反

齊右下大夫二人

道右上士二人

充象路  
之右

大馭中大夫二人

馭之  
最尊

戎僕中大夫三人

馭言僕者此  
亦侍御於車

齊僕下大夫二人

古者王將朝覲會同必齊所以  
敬宗廟及神明○朝直遙反

司農

司馬政官之屬

六

承親堂

齊既其取掌子繁有堅  
勁而善堪為用者乃入  
籍人

雲多乃非百掌矣  
第主弓弩矢服等  
三之皆以掌為主

王安石曰非百掌矣  
云齊者教須也

充玉路金路之右○

齊側皆反下齊僕同

人共四人

徒二十人

人共四人史八人胥八人

人共四人史八人胥八人

人共四人史八人胥八人

道僕上士十有二人。

王朝朝莫夕主御王以與諸臣行先王之  
道。朝朝上如字下直遙反莫音暮

田僕上士十有二人。

馭夫中士二十人下士四十人。

校人中大夫二人上士四人下士十有六人府四人史八人胥八人徒八十人。

校之為言校也主馬者必仍校視之以人馬官之長。校戶教反。

趣馬下士阜一人徒四人。

趣馬趣養馬者也鄭司農說以詩曰  
蹶維趣馬。趣七口反阜才早反。

義疏校人職三乘為阜  
阜十二匹

賈公彥曰巫知馬宗醫知馬病有賈者治馬死生須知馬價也

巫馬下士二人醫四人府一人史二人賈二人徒二十人。

巫馬知馬祖先牧馬社馬步之神者馬  
疾若有犯焉則知之是以使與醫同職。

牧師下士四人胥四人徒四十人。

王牧放馬  
而養之。

廋人下士閑二人史二人徒二十人。

廋之言數

圉師乘一人徒二人圉人良馬匹一人駑馬麗一人。

養馬曰圉四馬為  
乘良善也麗耦也。

職方氏中大夫四人下大夫八人中士十有六人府四人史十有

周豐

卷三 司馬政官之屬

七

永懷堂

王昭馬曰以教圉人養  
馬故名圉師

賈公彥曰司馬主九畿  
職方制其貢事相成  
故在此官尊而人多以  
天下人民貢賦事





實疏其職云誦王道國之  
政事以巡天下之邦國而  
語之

禮記卷之八  
檀人

檀人主檀序主意以  
語天下○檀他南反

都司馬每都上士二人中士四人下士八人府二人史八人胥八  
人徒八十人

都王子弟所封及三公  
采地也司馬主其軍賦

家司馬各使其臣以正於公司馬

家卿大夫采地正猶聽也公司馬國司馬也卿大夫之采地王  
不特置司馬各自使其家臣為司馬主其地之軍賦往聽政於  
王之司馬王之司馬其以  
王命來有事則曰國司馬

周禮卷二十八終

周禮卷二十九

漢大司農北海鄭 玄註

皇明 後學東吳金 蟠訂

司馬政官之職

大司馬之職掌建邦國之九灋以佐王平邦國

平成也  
正也

制畿封國以正邦國

封謂立封於疆  
為界○畿音祈

設儀辨位以等邦國

周禮

卷之九 司馬政官之職

一 永襄堂

孫氏曰司馬統六師則先  
伐之法莫先焉而先言  
建邦國之九灋者九灋修  
明諸侯並言侯王昭者  
莫以九伐為我九伐特不  
得已而用之

賈疏大行以九伐辨諸侯之命等諸臣之爵謂命者五公侯伯子男者者四諸侯之祿大夫士也

賈公彦曰制軍上文大國三軍次國二軍上國一軍是也鄭銘曰楚如楚也五禁之類

又曰施直多於國地大小大宰以九直發邦國南

王昭甫曰大國三鄉以國三鄉上國一鄉簡稽且種務聚寡然後眾可也

義疏青病也如駘其爵命薄其禮披其附庸不能自治其國邑殺削

儀謂諸侯及諸臣之儀辨別也別尊卑之位

進賢與功以作邦國

興猶舉也作起也起其勸善樂業之心使不惰廢

建牧立監以維邦國

牧州牧也監監一國謂君也維猶連結也

制軍詰禁以糾邦國

詰猶窮治也糾猶正也

施貢分職以任邦國

職謂職稅也任猶事也事以其力之所堪

簡稽鄉民以用邦國

簡謂比數之稽猶計也○鄉許亮反

均守平則以安邦國

諸侯有土地者均之尊者守大卑者守小則法也

比小事大以和邦國

比猶親使大國親小國小國事大國相合和也易比象曰先王以建萬國親諸侯○比毗志反

以九伐之灋正邦國

諸侯有違王命則出兵以征伐之所以正之也諸侯之于國如樹木之有根本是以言伐云

馮弱犯寡則眚之

司豐

卷三十一 司馬政官之職

二

永復堂

去馮弱犯虜必雄築騎  
寢之侯心病之使不能張  
則自戢矣

月示

馮猶乘陵也言不字小而侵侮之謂猶人肯  
瘦也王霸記曰四面削其地○馮皮水反

賊賢害民則伐之

春秋傳曰粗者曰侵精者曰伐又曰有鐘鼓曰伐則  
伐者兵入其竟鳴鐘鼓以往所以聲其罪○竟音境

暴內陵外則壇之

內謂其國外謂諸侯壇讀如同壇之壇王霸記曰置之空壇之  
地鄭司農云壇讀從憚之以威之憚書亦或為壇玄謂置之空  
壇以出其君更立其次賢者○壇音善

野荒民散則削之

荒蕪也田不治民不附  
削其地明其不能有

負固不服則侵之

王應電曰血鐘鼓曰侵掩其不備既服即止

賈疏采必即是殺但賊  
殺其親罪亦重故王  
霸記以心力殺

義疏在犯重較重杜則  
限隔內外不得復受  
通與殺城類矣以杜  
其犯上作亂之萌也  
賈公彥曰外亂若齊襄  
公諸君相與文姜  
內亂若衛宣公上承父  
下納子妻是也

負猶恃也固險可依以固者也不服不事大也侵之者  
兵加其竟而已用兵淺者詩曰密人不恭敢距大邦

賊殺其親則正之

正之者執而治其罪王霸記曰正殺之也春秋僖二  
十八年冬晉人執衛侯歸之于京師坐殺其弟叔武

放弑其君則殘之

放逐也殘殺也王霸  
記曰殘滅其為惡

犯令陵政則杜之

令猶命也王霸記曰犯令者違命也陵政者輕  
政灑不循也杜之者杜塞使不得與隣國交通

外內亂鳥獸行則滅之

王霸記曰悖人倫外內無以異于禽獸不可親百姓則誅滅去  
之也曲禮曰夫唯禽獸無禮故父子聚麀○行下孟反去起呂

周禮

卷三

司馬政官之職

三

大虞堂

愛公之政記上九法九  
伐并下凡令賦以平

王昭曰九畿又親九服  
者畿言有界畫服言  
且服王事

反夫音符  
一鹿于牛反

正月之吉始和布政于邦國都鄙乃縣政象之濶于象魏使萬民  
觀政象挾日而歛之。

以正月朔日布王政于天下至正歲又  
縣政濶之書挾日十日也○縣音玄

乃以九畿之籍施邦國之政職方千里曰國畿其外方五百里曰  
侯畿又其外方五百里曰甸畿又其外方五百里曰男畿又其外  
方五百里曰采畿又其外方五百里曰衛畿又其外方五百里曰  
蠻畿又其外方五百里曰夷畿又其外方五百里曰鎮畿又其外  
方五百里曰蕃畿。

襄五年天子產對晉師  
朱子曰賦兵也古者以田  
賦出兵故謂兵為賦

畿猶限也自王城以外五千里為界有分限者九籍其禮差之  
書也政職所共王政之職謂賦稅也故書畿為近鄭司農云近  
當言畿春秋傳曰天子一畿列國一同詩殷頌曰邦畿千里維民所止○分符問反共音恭凡供字皆作共後倣此

凡令賦以地與民制之上地食者參之二其民可用者家三人中  
地食者半其民可用者二家五人下地食者參之一其民可用者  
家二人。

賦給軍用者也令邦國之賦亦以地之美惡民之眾寡為制如  
六遂矣鄭司農云上地謂肥美田也食者參之二假令一家有  
三頃歲種二頃休其一頃下地食者參  
之一田薄惡者所休多○令力呈反

中春教振旅司馬以旗致民平列陳如戰之陳。

以旗者立旗期民于其下也兵者守國之備孔子曰以不教民  
戰是謂棄之兵者凶事不可空設因蒐狩而習之凡師出曰治

司馬

司馬政官之職

四

承襲堂

義疏春耕時故云兵入收  
衆專作農此秋振字之義

周禮

兵入日振旅皆習戰也四時各教民以其一焉春習振  
旅兵入收衆專於農平猶正也○中音仲陳直觀反

辨鼓鐸鑼鏡之用王執路鼓諸侯執賁鼓軍將執晉鼓師帥執提

旅帥執鼙卒長執鏡兩司馬執鐸公司馬執鑿

鼓人職曰以路鼓鼓鬼享以賁鼓鼓軍事以晉鼓鼓金奏以金  
鏡止鼓以金鐸通鼓以金鑿節鼓鄭司農云辨鼓鐸鑿鑿之用  
謂鈺鑿之屬鑿讀如濁其源之濁鏡讀如謹曉之曉提讀如攝  
提之提謂馬上鼓有曲木提持鼓立馬髦上者故謂之提杜子  
春云公司馬謂五人為伍伍之司馬也玄謂王不執賁鼓尚之  
於諸侯也伍長謂之公司馬者雖卑同其號○鑿直角反鏡女  
交反賁扶云反鼙薄兮反鈺  
音征謹火官反曉女交反

以教坐作進退疾徐疏數之節

習戰法○  
數音朔

實公彦云蒐搜春時鳥  
獸字乳搜取不字者故以  
蒐為名

疏此漢田律而言與千  
車觀與千化他車與自  
後射家戰陳不奔奔  
走假馬觀獲禽所算之  
蒐

王志長曰蒐舍謂算  
宿也

遂以蒐田有司表貉誓民鼓遂圍禁火弊獻禽以祭社

春田為蒐有司大司徒也掌太田役治徒庶之政令表貉立表  
而貉祭也誓民誓以犯田灋之罰也誓曰無于車無自後射立  
旌遂圍禁旌弊爭禽而不審者罰以假馬禁者虞衡守禽之  
厲禁也既誓令鼓而圍之遂蒐田火弊火止也春田主用火因  
焚萊除陳草皆殺而火止獻猶致也屬也田止虞人植旌衆皆  
獻其所獲禽焉詩云言思其縱獻肩于公春田主祭社者土方  
施生也鄭司農云貉讀為禡禡謂師祭也書亦或為禡○不  
貉莫駕反貉子工反肩詩作研音同施式鼓反禡莫駕反

中夏教芟舍如振旅之陳羣吏撰車徒讀書契辨號名之用帥以

門名縣鄙各以其名家以號名鄉以州名野以邑名百官各象其

事以辨軍之夜事其他皆如振旅

芟讀如萊沛之沛芟舍草止之也軍有草止之灋撰讀日算算  
軍徒謂數釋之也讀書契以簿書校錄軍實之凡要號名者微

司農

卷之七 司馬政官之職

疏軍實卷之七

天寶堂

遂以苗田如蒐之灋車弊獻禽以享祫

識所以相別也。鄉遂之屬謂之名家之屬謂之號。百官之屬謂之事。在國以表朝位在軍又象其制而為之。被之以備或事。帥謂軍將及師帥旅帥至伍長也。以門名者。所被徽識如其在門所屬者也。凡此言以也。象也。皆謂其制同耳。軍將皆命卿。古者軍將蓋為營治於國門。曾有東門襄仲。宋有桐門。右師皆上卿。為軍將者也。縣鄙謂縣正鄙師至鄰長也。家謂食采地者之臣也。鄉以州名。亦謂州長至此長也。野謂公邑大夫百官以其職從王者。此六者皆書其官與各氏焉。門則襄仲右師明矣。鄉則南鄉。甄東鄉為人是也。其他象此云某某之名某某之號某某之事而已。未盡聞也。鄉遂大夫文錯不見。以其素信于民不為軍將。或為諸帥。是以闕焉。夜事戒夜守之事。草止者慎于夜。于是主別其部職。○芟蒲未反。撰息轉反。識音志。騫直偽反。

義疏冬行徒弊非不用車則夏苗車弊亦非不用徒各有心王車弊而徒亦止殺耳

之在內○  
祫餘若反

中秋教治兵如振旅之陳

辨旗物之用。王載大常。諸侯載旂。軍吏載旗。師都載旛。鄉遂載物。

郊野載旒。百官載旗。各書其事。與其號焉。其他皆如振旅。

軍吏諸軍帥也。師都遂大夫也。鄉遂鄉大夫也。或載旛或載物。衆屬軍吏無所將也。郊謂鄉遂之州長縣正以下也。野謂公邑大夫。載旒者以其將。美卒也。百官卿大夫也。載旗者以其屬衛王也。凡旌旗有軍旅者畫異物。無者帛而已。書當為畫。事也。號也。皆畫以雲。氣。○書音畫。

遂以獮田如蒐田之灋羅弊致禽以祀祫

秋田為獮。獮殺也。羅弊罔止也。秋田主用罔。中殺者祫也。皆殺而罔止。祫當為方聲之誤也。秋田主祭四方。報成萬物。詩曰。以

鄭鈔曰秋氣肅殺故田殺為主

社以方。○獨息。淺反。祊音方。

中冬教大閱。

春辨鼓鐸。夏辨號名。秋辨旗物。至冬大閱。簡軍實。凡頒旗物。以出軍之旗。則如秋。以尊卑之常。則如冬。司常左。司馬時也。大閱。備軍禮。而旌旗不如出軍之時。空辟實。○辟音避。

前期羣吏戒眾庶脩戰灋。

羣吏。鄉師以下。

虞人萊所田之野為表。百步則一。為三表。又五十步為一表。田之日。司馬建旗于後表之中。羣吏以旗物鼓鐸。鑼鑿各帥其民而致。質明。弊旗誅後至者。乃陳車徒。如戰之陳。皆坐。

質。公考曰。三表之立。始於商。以表為後表。

鄭司農云。虞人萊所田之野。芟除其草萊。令車得驅馳。詩曰。田卒污萊。玄謂萊。芟除可陳之處。後表之中。五十步表之中央。表所以識正行列也。四表積二百五十步。左右之廣。當容三軍。步數未聞。致致之。司馬質正也。弊。仆也。皆坐。當聽誓。○芟所銜反。令力呈反。行戶剛反。

羣吏聽誓于陳前。斬牲以左右徇陳。曰。不用命者斬之。

帥。羣吏諸軍帥也。陳前。南面。鄉表也。月令。季秋。天子教于田獵。以習五戒。司徒摺扑。北面以誓之。此大閱禮。實正歲之中冬。而說季秋之政。於周為中冬。為月令者。失之矣。斬牲者。小子也。凡誓之大略。皆誓湯誓之屬是也。○鄉許亮及摺劉如字。又音箭。

中軍以鼙令鼓。鼓人皆三鼓。司馬振鐸。羣吏作旗。車徒皆作鼓行。鳴鑼。車徒皆行。及表乃止。三鼓。摺鐸。羣吏弊旗。車徒皆坐。

中軍。中軍之將也。天子六軍。三三而居。一偏。羣吏既聽誓。各復其部曲。中軍之將。令鼓。鼓以作其士眾之氣也。鼓人者。中軍之



**帥** 將師帥旅帥也。司馬兩司馬也。振鐸以作衆，作起也。既起，鼓人擊鼓以行之。伍長鳴鐸以節之，伍長一曰公。司馬及表自後表前至第二表也。三鼓者，鼓人也。鄭司農云：「振，讀如弄，玄謂如逐鹿之鹿，掩上振之爲振。」振者，止行息氣也。司馬法曰：「鼓聲不過聞，鞞聲不過闌，鐸聲不過琅。」  
 ○振音鹿，李扶表反，沈音濁。

又三鼓振鐸作旗，車徒皆作鼓進。鳴鐸，車驟徒趨。及表乃止，坐作如初。

趨者，赴敵尚疾之漸也。春秋傳曰：「先人有奪人之心。」及表自第二前至第三，○先悉薦反。

乃鼓，車馳徒走。及表乃止。

及表自第三前至前表，○闕苦穴反。

鼓戒三闕，車三發，徒三刺。

孟應電曰：車驟徒趨，象以漸赴敵，車馳徒走，對敵行益疾也。

義疏注以車轉力奔，必不然。車已及表乃止矣。又三轉胡爲乎？蓋車上至射者三發矢以象殺敵耳。

鼓戒戒攻敵鼓壹闕，車壹轉徒壹刺三而止，象服敵。○闕苦穴反。

乃鼓退，鳴鏡且卻，及表乃止，坐作如初。

鏡所以止鼓，軍退卒長鳴鏡以和衆，鼓人爲止之也。退自前表至後表，鼓鐸則同習戰之禮，出入一也。異者廢鐸而鳴鏡。○和胡臥反，爲于僞反。

遂以狩田，以旌爲左右和之門，羣吏各帥其車徒以叙和出左右。

陳車徒有司平之，旗居卒間以分地，前後有屯百步，有司巡其前。

後險野人爲主，易野車爲主。

冬田爲狩，言守取之無所擇也。軍門曰和，今謂之壘門，立兩旌以爲之，叙和出，用次第出和門也。左右或出而左，或出而右，有司平之，鄉師居門正其出入之行列也。旗，軍吏所載分地調其部曲疏數，前後有屯百步，車徒異羣相去之數也。車徒畢出和

司禮

司馬政官之職

八

承襲堂

實公孫曰：旗居卒間者，軍表之領已之士卒執旗以

賈疏禮部頭繫，蓋有兩繫明於項後中央結之

既陳乃設驅逆之車有司表貉于陳前

驅驅出禽獸使趨田者也逆逆要不得今走設此車者田僕也○要於遙反

中軍以鼙令鼓鼓人皆三鼓羣司馬振鐸車徒皆作遂鼓行徒銜

枚而進大獸公之小禽私之獲者取左耳

羣司馬謂兩司馬也枚如箸銜之有繯結項中軍法止語為相疑惑也進也行也鄭司農云大獸公之輪之於公小禽私之以自異也詩云言私其獫獻肩于公一歲為獫二歲為狔三歲為貉四歲為肩五歲為慎此明其獻大者於公自取其小者玄謂慎讀為慶爾雅曰豕生三日豨豕牝曰豨豕牝曰麋豕牝曰麋獲得也得禽獸者取左耳當以計功○繯戶卦反又胡麥反豨音巴麋音辰豨本亦作豨子工反

及所弊鼓皆駢車徒皆譟

鄭司農云及所弊至所弊之處玄謂至所弊之處田所當於止也天子諸侯蒐狩有常至其常處吏士鼓譟象攻敵剋勝而喜也疾雷擊鼓曰駢譟謹也書曰前師乃鼓譟譟亦謂喜也○駢本亦作駢胡楷反鼓音符

徒乃弊致禽饁獸于郊入獻禽以享烝

徒乃弊徒止也冬田主用衆物多故得取也致禽饁獸于郊聚所獲禽因以祭四方神于郊月令季秋天子既田命主祠祭禽四方是也入又以禽祭宗廟○饁于輒反

及師大合軍以行禁令以救無辜伐有罪

師所謂王巡守若會同司馬起師合軍以從所以威天下行其政也不言大者未有敵不尚武○從才用反

若大師則掌其戒令泣大小帥執事泣蠻主及軍器

司農

司馬政官之職

乙

尺復宅

義疏書下有傳字是易初九有社林務易初不言入獻禽而冬祭禮言入者以外行致禽禮亦之禮然後入獻於宗廟

鄭鑄自行禁令無申明九法也

實疏下在痛故曰上下謀在下故云謀居其平故云參也

賈公彥天師王親御六軍故司馬用王天常致衆遂至不親則司馬自用大旗致之

禮文初出軍時大帥執職至此冠勝子馬執之

曲禮厭冠不入公門五服之冠皆厭

鄭鐸曰庶子宿衛王宮者

易啓檀謂築城板幹制度之專傳條焉義既極與復通築牆版木

唐禮

卷九

九

禮堂

大師王出征伐也。蒞臨也。臨大卜。卜出兵吉凶也。司馬法曰。上下下謀。是謂參之。主謂遷廟之主及社主在軍者也。軍器鼓鐘之屬。凡師既受甲。迎主于廟及社。主視。奉以從。殺牲以血塗主及軍器。皆神之。

及致建大常。比軍衆。誅後至者。

比。或作庇。鄭司農云。致謂聚衆也。庇。具也。玄謂致鄉師。致民於司馬。比。校次之也。○比必履反。

及戰。巡陳。眡事而賞罰。

事謂戰功也。○眡音視。

若師有功。則左執律。右秉鉞。以先愷樂。獻于社。

功。勝也。律。所以聽軍聲。鉞。所以爲將威也。先。猶道也。兵樂曰愷。獻于社。獻功于社也。司馬法曰。得意則愷樂愷歌。示喜也。鄭司農云。故城濮之戰。春秋傳曰。愷八年。振旅愷。以入于晉。○道音導。

若師不功。則厭而奉主車。

鄭司農云。厭。謂厭冠喪服也。軍敗。則以喪禮。故秦伯之敗於殽也。春秋傳曰。秦伯素服郊次。鄉師而哭。玄謂厭。伏冠也。秦猶送也。送主歸于廟與社。○厭于涉。反。鄉師許亮反。

王弼勞士庶子則相。

師敗。王親弔士庶子之死者。勞其傷者。則相王之禮。庶子。卿大夫之子。從軍者。或謂之庶士。○勞力報反。相息亮反。

大役與慮事。屬其植。受其嬰。以待攷而賞誅。

大役。築城也。鄭司農云。國有大役。大司馬與謀慮其事也。植。謂部曲將吏。故宋城春秋傳曰。華元爲植。巡功屬謂衆會之也。要者。簿書也。攷。謂考校其功。玄謂慮事者。封人也。於有役。司馬與之植。築城植也。屬。賦丈尺與其用人數。○與慮音預。注與謀同。屬音燭。植直吏反。華化戶反。慎音真。

司豐

卷九

司馬政官之職

十一

禮堂

大會同則帥士庶子而掌其政令。

師帥以義疏師帥作帥帥從王。

若大射則合諸侯之六耦。

大射王將祭射於射宮以選賢也。王射三侯以諸侯為六耦。虎侯雉侯豹侯。

大祭祀饗食羞牲魚授其祭。

牲魚魚牲也。祭謂尸賓所以祭也。鄭司農云。大司馬主祭魚牲。○食音嗣。後饗食皆放此。

大喪平士大夫。

鄭司農云。平一其服也。文謂平者正其職與其位。

喪祭奉詔馬牲。

王喪之以馬祭者。蓋遣奠也。奉猶送也。送之至墓告而藏之。

周禮卷二十九

終

司禮

司馬政官之職

二

和慎堂



唐制

行司馬

闕

司勳掌六鄉賞地之灋以等其功

賞地賞田也在遠郊之內屬六鄉焉等猶差也以功大小為差

王功曰勳

輔成王業若周公

國功曰功

保全國家若伊尹

民功曰庸

法施於民若后稷

事功曰勞

以勞定國若禹

治功曰力

制法成治若咎繇

戰功曰多

制法成治若咎繇

凡有功者銘書于王之太常祭于大烝司勳詔之

銘之言名也生則書于王旌以識其人與其功也歿則於烝先王祭之詔謂告其神以辭也盤庚告其卿大夫曰茲予大享于先王爾祖其從與享之是也今漢祭功臣於廟庭○識音志與音預

司豐

卷三

司馬政官之職

二

承襲堂

賈公彥曰烝者衆也時物成者衆故各功臣詔謂詔司豐書之以詩使春官告神

賈公彥曰烝者衆也時物成者衆故各功臣詔謂詔司豐書之以詩使春官告神

賞地在三師之內  
具民亦從師之後後法

周禮 卷三 司馬政官之職 三

大功司勳藏其貳

貳猶副也功書藏于天府又副於此者以其主賞

掌賞地之政令

政令謂

凡賞無常輕重眡功

無常者功之大小不可豫

凡頒賞地參之一食

鄭司農云不以美田為采邑玄謂賞地之稅參分計稅王食其一也二全入於臣

惟加田無國正

加田既賞之又加賜以田所以厚恩也鄭司農云正謂稅也祿田亦有給公家之賦貢若今時候國有司農少府錢穀矣獨加賞之田無正耳○  
疏注法教司農錢少府

馬質掌質馬馬量三物一曰戎馬二曰田馬三曰駑馬皆有物賈

此三馬買以給官府之使無種也鄭司農曰皆有物賈皆有物色及賈直○賈音稼

綱惡馬

鄭司農云綱讀為以亢其讎之亢書亦或為亢亢御也禁也禁去惡馬不畜也玄謂綱以縻索維綱狎習之○去起呂反

凡受馬于有司者書其齒毛與其賈馬死則旬之內更旬之外入

馬耳以其物更其外否

鄭司農云更謂償也玄謂旬之內死者償以齒毛與賈受之日淺養之惡也旬之外灰入馬耳償以毛色不以齒賈任之過其

司農 卷三 司馬政官之職 三

任也其外否者旬之外踰二十日而外不用非用者罪○更音庚

馬及行則以任齊其行

識其所載輕重及道里齊其勞逸乃復用之

若有馬訟則聽之

訟謂賣買之言相負

禁原蠶者

原再也天文辰為馬蠶書蠶為龍精月直大火則浴其種是蠶與馬同氣物莫能兩大禁再蠶者為傷馬與為傷于偽反

量人掌建國之灋以分國為九州營國城郭營后宮量市朝道巷

門渠造都邑亦如之

灋音法今律謂國中同數少則灋灋天灋也

建立也立國有舊法式若匠入職云分國定天下之國分也后君也言君容王與諸侯○朝直違反國分扶問反

營軍之壘舍量其市朝州涂軍社之所里

軍壁曰壘鄭司農云量其市朝州涂還市朝而為道也玄謂州一州之眾二千五百人為師每師一處市也朝也州也皆有道以相之軍社社主在軍者里居也○涂本又作塗

邦國之地與天下之涂數皆書而藏之

書地謂方園山川之廣狹書涂謂支湊之遠近

凡祭祀饗賓制其從獻脯燔之數量

鄭司農云從獻者肉殺從酒也玄謂燔從于獻酒之肉炙也數多少也量長短也○炙章夜反

掌喪祭奠窆之俎實

司農

卷三

司馬政官之職

四

天復堂

賈疏支謂支分委謂支  
奏直塗有支分及相  
錄凌遠近



賈疏表祭多於左堂  
此表祭連堂祭其壇內  
故以為大造奠  
鄭氏曰歷禮同祀受奉  
神福也  
鄭氏曰先鄭引明堂  
位證學是卷名但周  
獻用玉爵不用學後  
鄭氏如說尸之殺後少  
宰尸殺主人

周禮

卷三

四

示懷堂

竈亦有俎實謂所包遺奠士喪禮下篇  
日臧苞筭於旁○竈昌絹反筭所交反

凡宰祭與鬱人受學歷而皆飲之

言宰祭者冢宰佐王祭亦容攝祭鄭司農云單讀如嫁娶之嫁  
單器名明堂位曰爵夏后氏以琖殷以單周以爵玄謂單讀如  
般尸之般宰冢宰○單古  
雅反琖側產反般古雅反

小子掌祭祀羞羊肆羊殺肉豆

鄭司農云羞進也羊肆體薦全烝也羊殺體解節折也肉豆者  
切肉也玄謂肆讀為鬻羊鬻者所謂豚解也○鬻他歷反一音  
餘四

而掌珥于社稷祈于五祀

故書祀作禩鄭司農云禩讀為祀書亦或為祀珥社稷以牲頭  
祭也玄謂珥讀為珥祈或為刈刈珥者蠶禮之事也用毛牲日

易曰飾紀羊牲被以  
文繡

鄭氏曰小子掌用羊血  
以饗注引雜記以證  
始成則饗非謂小子職  
饗用豕豚

凡沈辜侯禳飾其牲  
鄭司農云沈謂祭川爾雅曰祭川曰浮沈辜謂磔牲以祭也月  
令曰九門磔禳以畢春氣侯禳者候四時惡氣禳去之也○禳  
如羊反磔  
陟格反

凡沈辜侯禳飾其牲

禩羽牲曰珥珥刈社稷五祀謂始成其宮兆時也春官肆師職  
祈或作畿秋官司師職曰凡刈珥則奉大牲此刈珥正字與○  
禩而志反祈音機  
禩音祀刈音機

釁邦器及軍器

邦器謂禮樂之器及祭器之屬雜記曰凡宗  
廟之器其各者成則釁之以豕豚○豕音家

凡師田斬牲以左右狗陳

示犯誓  
必殺之

司農

卷三

司馬政官之職

五

示懷堂

義疏祭禮無用羔者  
即如詩之獻羔人  
焉用節之節以饋者  
唯卿所執擊之羔耳  
些句文不相屬中間  
有闕文焉  
既利特用牲於庭升  
首於室注制祭之後  
升牲首於北墉下

祭祀贊羞受徹焉。賈公彥曰贊羞謂大司馬祭祀羞牲魚之類則贊之受徹謂祭畢諸宰居婦廢徹之時則受之

羊人掌羊牲。凡祭祀飾羔。

羔小羊也詩曰四之日其蚤獻羔祭韭

祭祀割羊牲登其首。

登升也升首報陽也升首于室

凡祈珥共其羊牲。

共猶給也

賓客共其灋羊。

灋羊發饗積膳之羊○曰灋羊又作食饗音食

凡沈辜侯禳釁積共其羊牲。

積故書為毗鄭司農云毗讀為漬謂釁國寶漬軍器也玄謂積積柴禮祀槱燎實柴○毗徐賜反與漬同槱羊久反

若牧人無牲則受布于司馬使其賈買牲而共之。

布泉○賈音古

司燿掌行火之政令四時變國火以救時疾。

行猶用也變猶易也鄭司農說以鄒子曰春取榆柳之火夏取棗杏之火季夏取桑柘之火秋取柞槱之火冬取槐檀之火○槱羊久反

季春出火民咸從之季秋內火民亦如之。

火所以用陶冶民隨國而為之鄭人鑄刑書火星未出而出火後有災鄭司農云以三月本時昏心星見于辰上使民出火九

司農

卷三下司馬政官之職

六

卷之三

義疏陶治器時之異  
注說未知何據或曰  
季春始出火於外  
季秋始出火於內  
而用之出內者謂室  
居所用之火與

易曰詔施四時愛國  
火之令

賈公彥曰祭燿祭先出  
火之人○王安石曰祭  
火曰燿祭用燿改祭  
焉

質公彥曰云城郭溝池  
者謂環城及郭皆有  
溝池也樹渠者非直溝  
池有樹兼其餘渠上  
亦有樹也

王安石曰頒其守則遠近均勞逸更公卿大夫泣職於內而子弟守固於外休戚一體之道也

周禮

卷三

六

司馬

時則施火令。  
月本黃昏心星伏在戌上使民內火。故春秋傳曰以出內火。○見賢遍反。

焚萊之時

凡祭祀則祭燿。

報其為明之功禮如祭燹

凡國失火野焚萊則有刑罰焉。

野焚萊民擅放火

掌固掌脩城郭溝池樹渠之固頒其士庶子及其衆庶之守。

樹謂荆棘之屬有刺者也衆庶民遞守固者也鄭司農說樹以國語曰城守之木於是乎用之○枳居氏反遞待禮反

設其飾器。

兵甲之屬今城郭門之器亦然

分其財用均其稍食。

財用國以財所給守吏之用也稍食祿廩

任其萬民用其材器。

任謂以其任使之也民之材器其所用塹築及為藩落○塹七豔反

凡守者受灋焉以通守政有移甲與其役財用唯是得通與國有

司帥之以贊其不足者。

凡守者士庶子及他要害之守吏通守政者兵甲役財難易多少轉移相給也其他非是不得妄離部署國有司掌固也其移

司豐

卷三

七

司馬

鄭鏐曰萬民近地之民材器所用損幹木材及番築之具  
美疏守政即均財謂均地守使財易相通而得其平此平財之法也至移甲役財用則其地將有警掌固必以守節以徵之也境故與節之曰設國有司掌固或謂司甲役財用者皆非也

易曰守則呼守者之名成則發言守者之事

書三巡之夜亦如之

之者又與掌固帥致之贊佐也○凡守收又反下有守者同易以鼓反離力智反

夜三鑿以號戒

巡行也行守者為衆庶之解情○行下孟反下皆同為干偽反解佳賈反  
杜子春云讀鑿為造次之造謂擊鼓行夜戒守也春秋傳所謂賓將趣者與趣與造音相近故曰終夕與燎玄謂鑿擊鑿警守鼓也三巡之間又三擊鑿○鑿音咸造七報反趣莊久反與燎音預

若造都邑則治其固與其守灋

都邑亦為城郭

凡國都之竟有溝樹之固郊亦如之

竟界也○竟音境

民皆有職焉

職謂守與任

若有山川則因之

山川若穀阜河漢

司險掌九州之圖以周知其山林川澤之阻而達其道路

周猶徧也達道路者山林之阻則開鑿之川澤之阻則橋梁之

設國之五溝五涂而樹之林以為阻固皆有守禁而達其道路

五溝遂溝洫澮川也五涂徑畛涂道路也樹之林作藩落也○洫泥城反澮古外反

司豐

卷三

司馬政官之職

八

承懷堂

易曰守則呼守者之名成則發言守者之事

國有故則藩塞阻路而止行者以其屬守之唯有節者達之

有故喪災及兵也閉絕要害之道備姦寇也

掌疆

候人各掌其方之道治與其禁令以設候人而審其禁

道治治道也國語曰候不在意譏不居其方也禁令備姦寇也以設候人者選士卒以為之詩云彼候人兮何戈與戣何胡

我反殺都外反

若有方治則帥而致于朝及歸送之于竟

方治其方來治國事者也春秋傳曰晉欒盈過周王使候人出諸轅轅是其送之朝直逢反轅戶關反

環人掌致師

左傳注柄節掉正

義疏謂環四面或有掩襲衝突之虞故察軍運察已國之安人為敵間者傳謀賊執敵之為謀者凡外謀以省內也此職所司皆臨敵時事前五者先為不可勝後三者蓋欲不戰而屈人之師

致師者致其必戰之志古者將戰先使勇力之士犯敵焉春秋傳曰楚許伯御樂伯攝叔為右以致晉師許伯曰吾聞致師者御靡旌摩壘而還樂伯曰吾聞致師者左射以蔽代御執轡御下柄馬掉鞅而還攝叔曰吾聞致師者右入壘折馘執俘而還皆行其所聞而復之

察軍慝

慝陰姦也視軍中

環四方之故

都其以事謀來侵伐者所謂折衝禦侮

巡邦國搏謀賊

謀賊反間為國賊

司豐

司馬政官之職

九

承慶堂

訟敵國

敵國兵來則往之與訟曲直若齊國佐如師

揚軍旅

為之威武以觀敵詩云維師尚父時維鷹揚

降圍邑

圍邑欲降者受而降之春秋傳曰齊人降鄆○降戶江反鄆音章

挈壺氏掌挈壺以令軍井挈轡以令舍挈畚以令糧

鄭司農云挈壺以令軍井謂為軍穿井井成挈壺縣其上令軍中士眾皆鑿見知此下有井壺所以盛飲故以壺表井挈轡以令舍亦縣轡于所當舍止之處使軍鑿見知當舍止于此轡所以駕舍故以轡表舍挈畚以令糧亦縣畚于所當稟假之處令

軍鑿見知當稟假于此下也畚所以盛糧之器故以畚表稟軍中人多車騎雜會謹置號令不能相聞故各以其物為表省煩趨疾于事便也○畚音本為于偽反下為沃同縣音玄下皆同令力呈反盛音成下同稟彼錦反

凡軍事縣壺以序聚椽凡喪縣壺以代哭者皆以水火守之分以

日夜

鄭司農云縣壺以為漏以序聚椽以次更聚擊椽備守也玄謂擊椽兩木相敲行夜時也代亦更也禮未太斂代哭以水守壺者為沃漏也以火守壺者夜則火視刻數也分以日夜者異晝夜漏也漏之箭晝夜共百刻冬夏之間有長短焉大史立成法有四十八箭○椽音託更

及冬則以火爨鼎水而沸之而沃之

鄭司農云冬水凍漏不下故以火炊水沸以沃之謂沃漏也○爨七端反

司農

卷三

司馬政官之職

十一

水滸堂

射人掌國之三公孤卿大夫之位三公北面孤東面卿大夫西面其摯三公執璧孤執皮帛卿執羔大夫鴈

射人

卷三

十一

射禮

射人掌國之三公孤卿大夫之位三公北面孤東面卿大夫西面其摯三公執璧孤執皮帛卿執羔大夫鴈

按此注坊入存疑

諸侯在朝則皆北面詔相其灋義疏諸侯在朝或有或無不常若有則皆北面從三公位灋其禮儀○相息亮反

若有國事則掌其戒令詔相其事謂王有祭祀之事諸侯當助其薦獻者也戒令告以齊與期○齊側皆反

掌其治達謂王有祭祀之事諸侯當助其薦獻者也戒令告以齊與期○齊側皆反

義疏自因至而之八字

謂諸侯因與王射及助祭而有所治受而達之于王王有命又受而下之

以射灋治射儀王以六耦射三侯三獲三容樂以騶虞九節五正諸侯以四耦射二侯二獲二容樂以貍首七節三正孤卿大夫以三耦射一侯一獲一容樂以采蘋五節二正士以三耦射豨侯一獲一容樂以采芣五節一正

射法王射之禮治射儀謂肆之也鄭司農云三侯虎熊豹也容者乏也待獲者所蔽也九節析羽九重設于長柱也正所射也詩云終日射侯不出正兮二侯熊豹也豨侯豨者獸名也獸有貍豨熊鹿玄謂三侯者五正三正二正之侯也豨侯者五正二正之侯也一侯者二正而已此皆與賓射於朝之禮也考工梓人職曰張五采之侯則遠國屬遠國謂諸侯來朝者也五采之侯即五正之侯也正之言正也射者內志正則能中焉畫五正之侯中朱次白次蒼次黃玄居外三正損玄黃二正去白蒼而

司禮

卷三

司馬政官之職

十一

射禮

畫以朱綠其外之廣皆居侯中參分之一中畫尺全儒家云四尺曰正二尺曰鵠鵠乃用皮其大如正此說失之矣夫射禮射作于讀如宜射宜獄之射射胡大也士與士射則以射皮飾侯下大夫也大夫以上與賓射飾侯以雲氣用采各如其正九節七節五節者奏樂以為射節之差言節者容侯道之數也樂記曰明乎其節之志不失其事則功成而德行立○正音征下及注同射五且反劉音鴈重直龍反杠音江驅劬誅反言正音政下志正大射正同能中丁仲反去白起呂反行下孟反

**若王大射則狸步張三侯**

鄭師農云狸步謂一舉足為一步於今為半步玄謂狸善搏者也行則止而擬度焉其發必獲是以量侯道法之也侯道者各以弓為度九節者九十弓七節者七十弓五節者五十弓弓之下制長六尺大射禮曰大侯九十參七十五十是也三侯者司裘所共虎侯熊侯豹侯也列國之君大射亦張三侯數與天子同大侯熊侯也參讀為慘慘雜也雜者豹鵠而麋飾下天子大夫○度待洛反參讀為慘而不素感反于與射同五且反而音同

**王射則令去侯立手後以矢行告卒令取矢**

鄭司農云射人立去侯所而立手後也以矢行告射人主以矢行高下在左告于王也大射禮曰夫射正立于公後以矢行告于公下曰留上曰揚左右曰方杜子春說以矢行告告白射事于王王則執矢也杜子春說不與禮經合疑非是也令卒取矢謂射卒射人令當取矢者使取矢也玄謂令去侯大射者命負侯者去侯也鄉射曰司馬命獲者執旌以負侯

**祭侯則為位**

祭侯獻服不服不以祭侯為位為服不受獻之位也大射曰服不侯西北三步北面拜受爵

**與大史數射中**

數射中數射者中侯之算也大射曰司射適階西釋弓去扑襲進由中東立于中南北面視算

**佐司馬治射正**

司馬

卷三

司馬政官之職

十一

司馬



射正射之法儀也

祭祀則贊射牲相孤卿大夫之灋儀

燕嘗之禮有射豕者國語曰禘郊之事天子必自射其牲今立秋有龜劉云○龜力朱反

會同朝覲作大夫介凡有爵者

作讀如作止爵之作諸侯來至王使公卿有事焉則作大夫使之介也有爵者命士以上不使賤者

大師令有爵者乘王之倅車

倅車戎車之副○倅七內反

有大賓客則作卿大夫從

作者選使從王見諸侯○從亦用反

戒大史及大夫介

戒戒其當行者觀禮曰諸公奉篋服加命書于其上升自西階東面大史氏右

大喪與僕人遷尸作卿大夫掌事比其廬不敬者苛罰之

僕人大僕也僕人與射人俱掌王之朝位也王崩小斂大斂遷尸于室堂朝之象也檀弓曰扶君卜人師扶右射人扶左君豐

以是舉苛謂詰問之比毗志反苛呼何反朝直遙反

服不氏掌養猛獸而教擾之

猛獸虎豹熊羆之屬擾馴也教習使之馴服王者之教無不服

凡祭祀共猛獸

謂中膳羞者獸人冬獻狼春秋傳曰熊蹯不熟○蹯音煩

司馬政官之職

司馬政官之職

生

衣履

賓客之事則抗皮

鄭司農云謂賓客來朝聘布皮帛者服不氏主舉藏之抗讀為亢其讎之亢玄謂抗者若聘禮日有司二人舉皮以東

射則贊張侯以旌居之而待獲

贊佐也大射禮日命量人中車張三侯杜子春云待當為持書亦或為持之讀為置乏之乏持獲者所蔽玄謂持獲待射者中舉旌以獲中丁仲反

射鳥氏掌射鳥

鳥謂中膳羞者鳧鴈鴝鴒之屬○射食亦反鳧音扶鴝音保鴒于苗反

祭祀以弓矢毆鳥鳧凡賓客會同軍旅亦如之

鳥鳧善鈔盜使汁人毆起俱反鈔初教反

射則取矢矢在侯高則以并夾取之

鄭司農云主射則射鳥氏主取其矢矢在侯高者矢著侯高人手不能及則以并夾取之并夾鉞箭具夾讀為甲故司弓矢職日大射燕射共引矢并夾并

羅氏掌羅鳥鳥

鳥謂卑居鵲之屬○卑音匹

蜡則作羅襦

作猶用也鄭司農云蜡謂十二月大祭萬物也郊特性日天子大蜡謂歲十二月合聚萬物而索饗之襦細密之羅襦讀為縠有衣袂之縠玄謂蜡建亥之月此時火伏蟄者畢矣射既祭獸可以羅網圍取禽也王制日射祭獸然後田又日昆蟲且蟄可以火田今俗放火張羅其遺教○襦注縠同和女居反

司禮

司馬政官之職

古

承覆堂

周禮卷三十 終

中春羅春鳥獻鳩以養國老行羽物

春鳥鵬而始出者若今南郡黃雀之屬是時鷹化為鳩鳩體西與春鳥變舊為新宜以養老助生氣行謂賦賜也中音仲祭燔

掌畜養鳥而阜蕃教擾之

阜猶盛也蕃蕃息也鳥之可養使盛也

祭祀共卵鳥

其卵可薦之鳥

歲時貢鳥物

鴉鴈之屬以四時來主其來者謂鴛鴦之屬也

共膳獻之鳥

雉及鴉鴛之屬○  
鴉音純鴛音如

周禮卷三十

司馬政官之職



以德詔爵。以功詔祿。以能詔事。以久奠食。

德謂賢者。食稍食也。賢者既爵乃祿之。能者事成乃食之。王制曰。司馬辨論官材。論進士之賢者。以告于王。而定其論。論定然後官之。任官然後爵之。位定然後祿之。奠音定。乃食音嗣。

惟賜無常。

賜多少由王。不

正朝儀之位。辨其貴賤之等。王南鄉。三公北面東上。孤東面北上。

卿大夫西面北上。王族故士虎士。在路門之右。南面東上。大僕大

右。大僕從者。在路門之左。南面西上。

此王日視朝事於路門外之位。王族故士。故為士。晚退留宿衛者。未嘗仕。雖同族。不得在王宮。大右。司右也。大僕從者。小臣祭

僕御僕隸僕。朝直遙反。鄉許亮反。大音泰。下倣此。

司士擯。

詔王出揖公卿。大夫以下朝者。士皆入。王出揖。大夫以下朝者。士皆入。王出揖。大夫以下朝者。士皆入。

孤卿特揖。大夫以其等旅揖。士旁三揖。王還揖。門左。揖門右。

特揖。一揖之旅。眾也。大夫爵同者。眾揖之。公及孤卿大夫。始入門。右皆北面。東上。士揖之。乃就位。羣士及故士。大僕之屬。發在其位。羣士位東面。王西南鄉。而揖之。三揖者。士有上中下。王揖之。皆遂遁。既復位。鄭司農云。卿大夫士。皆君之所揖。禮春秋傳所謂三揖在。

大僕前。

前正王視朝之位。

司馬

卷三

司馬政官之職

二

禮記

王入內朝皆退。

王入入路門也。王入路門內朝。朝者皆退。反其官府治處也。王之外朝則朝士掌焉。玉藻曰：朝服以日視朝於內朝。朝辨色始入。君日出而視之，退適路寢聽政，使人視大夫，大夫退，然後適小寢。謂諸侯也。王日視朝，皮弁服，其禮則同。

掌國中之士治。凡其戒令。

國中，國中。城中之士。治，治。凡其戒令，戒令。凡其戒令，戒令。

掌擯士者膳其摯。

擯士，告見初為士者於王也。鄭司農云：膳，其摯者。王食其所執羔鴈之摯。玄謂膳者，入於王之膳人。○見賢遍反。食音嗣。

凡祭祀掌士之戒令。詔相其灋事及賜爵。呼昭穆而進之。

賜爵，神惠及下也。此所賜王之子姓兄弟。祭統曰：凡賜爵，昭為一，穆為一。昭與昭齒，穆與穆齒。凡羣有司皆以齒。此之謂長幼。

有京。○相息亮反。長丁丈反。

帥其屬而割牲。羞瓠豆。

割牲制體也。羞，進也。

凡會同。作士從。賓客亦如之。

作士從，謂可使從於王者。○從才用反。

作士適四方使為介。

士使謂自以王命使也。介，大夫之介也。春秋左傳曰：天王使石尚來歸脤。○脤，上軫反。

大喪。作士掌事。

事謂奠斂之屬。

司豐

卷三

司馬政官之職

三

禮記

作六軍之士執披。

作謂使之也披，柩車行所以披持棺者，有紐以結之謂之戴，鄭司農云披者扶持棺險者也，天子旁十二，諸侯旁八，大夫六，士四，玄謂結披必當棺束於束繫紐，天子諸侯戴柩三束，大夫士二束，喪大記曰君纁披六，大夫披四，前纁後玄，士二披用纁，人君禮文欲其數多，圍數兩旁言六耳，其實旁三，○披方寄反。

凡士之有守者，令哭無去守。

守官不可空也。○守守又反，下皆同。

國有故，則致士而頒其守。

故，非喪則兵災。

凡邦國三歲則稽士任，而進退其爵祿。

任其所掌治。

諸子掌國子之倅，掌其戒令與其教治，辨其等，正其位。

故書倅為卒，鄭司農云卒讀如物有副倅之倅，國子謂諸侯卿大夫士之子也，燕義曰古者周天子之官有庶子，官與周官諸子職同文，玄謂四民之業而士者亦世焉，國子者是公卿大夫士之副貳戒令，致於天子之事，教治脩德學道也，位朝位。○倅七內反，大子音泰。

國有大事，則帥國子而致於天子，惟所用之。若有兵甲之事，則授之車甲，合其卒伍，置其有司，以軍法治之。司馬弗正。

軍廩百人為卒，五人為伍，弗不也，國子屬太子司馬，雖有軍士不賦之。○正音征，下國正同。

凡國正弗及。

司馬

司馬政官之職

四

禮記

大祭祀正六牲之體。

正謂禮載之。

凡樂事正舞位授舞器。

位侑處。

大喪正羣子之服位會同賓客作羣子從。

從子

凡國之政事國子存遊倅使之脩德學道春合諸學秋合諸射以攷其藝而進退之。

遊倅倅之未仕者學大學也射射宮也王制曰春秋教以禮樂冬夏教以詩書王太子王子羣后之太子卿大夫元士之適子

國之俊選皆造焉○適丁歷反

司右掌羣右之政。

羣右戎右齊右道右○齊側皆反

凡軍旅會同合其車之卒伍而比其乘屬其右。

合比屬謂次第相安習也車亦有卒伍○比毗志反乘繩證反屬音燭

凡國之勇力之士能用五兵者屬焉掌其政令。

勇力之士屬焉者選右當於中司馬灋曰弓矢圍受矛守戈戟助凡五兵長以衛短短以救長○受音殊

虎賁氏掌先後王而趨以卒伍。

王出將虎賁士居前後雖羣行亦有局分○賁音奔先悉薦反後戶豆反將子匠反分扶問反



軍旅會同亦如之舍則守王闕

舍王出所止宿處闕榭也  
○榭薄禮反柅戶故反

王在國則守王宮

為周衛

國有大故則守王門大喪亦如之

非常之難要在門  
○難乃且反

及葬從遣車而哭

遣車王之魂魄所馮依  
○從才用反馮文冰反

適四方使則從士大夫

虎士從使者

若道路不通有徵事則奉書以使于四方

不通逢兵寇若泥水奉書徵師役也春  
秋隱公七年冬戎伐凡伯于楚丘以歸

旅賁氏掌執戈盾夾王車而趨左八人右八人車止則持輪

夾王車者其下士也下士十有六  
人中士為之帥焉○盾常準反

凡祭祀會同賓客則服而趨

服而趨夾王車趨也會同賓客王亦  
齊服服袞冕則此士之齊服服玄端

喪紀則衰葛執戈盾

葛葛經武士尚  
輕○衰七雷反

軍旅則命而趨

介被

節服氏掌祭祀朝覲衮冕六人維王之太常。

服衮冕者從王服也。維維之以縷。王旌十二旒。兩兩以縷綴連。旁三人持之。禮天子旌曳地。鄭司農云。維持之。

諸侯則四人其服亦如之。郊祀裘冕二人執戈送逆尸從車。

裘冕者亦從尸服也。裘大裘也。凡尸服卒者之上服。從車從尸車送逆之往來。春秋傳曰。晉祀夏郊。董伯為尸。

方相氏掌蒙熊皮黃金四目玄衣朱裳執戈揚盾帥百隸而時難

以索室毆疫。

蒙冒也。冒熊皮者以驚毆疫癘之鬼。如今魃頭也。時難四時作。方相氏以難卻凶惡也。月令季冬命國難索瘦也。○難乃多反。

註同毆起俱反。魃音欺。

大喪先匱。

葬使之道。○先匱悉薦反。下音極道音導。

及墓入壙以戈擊四隅。毆方良。

壙穿地中也。方良罔兩也。天子之椁柏黃腸為裏而表以石焉。國語曰。木石之怪夔罔兩。○壙苦見反。方良上音罔。下音兩。註同夔求。龜反。

大僕掌正王之服位出入王之大命。

服王舉動所當衣也。位立處也。出大命。王之敎也。入大命。羣臣所奏行。

掌諸侯之復逆。

司禮

卷三 司馬政官之職

六

亦懷堂

鄭司農云復謂奏事也逆謂受下奏

王眡朝則前正位而退入亦如之。

前正位而退道王王既立退居路門左待朝畢

建路鼓于大寢之門外而掌其政。

大寢路寢也其門外則內朝之中如今宮殿端門下矣政鼓節與早晏

以待達窮者與遽令聞鼓聲則速逆御僕與御庶子。

鄭司農云窮謂窮冤失職則來擊此鼓以達於王若今時上變事擊鼓矣遽傳也若今時驛馬軍書當急聞者亦擊此鼓令聞此鼓聲則速逆御僕與御庶子也大僕主令此二官使速逆窮遽者玄謂窮達者謂司寇之屬朝士掌以肺石達窮民聽其辭以告于王遽令郵驛上下程品御僕御庶子直事鼓所者大僕聞鼓聲則速逆此二官當受其事以聞傳張戀反令力呈反

郵音尤

祭祀賓客喪紀正王之服位詔灋儀贊王牲事。

詔告也牲事殺割七載之屬

王出入則自左馭而前驅。

前驅如今道引也道而居左自馭不駮乘辟王也亦有車右焉乘繩證反辟音避

凡軍旅田役贊王鼓。

王通鼓佐擊其餘面

救日月亦如之。

日月食時春秋傳曰非日月之眚不鼓

大喪始崩。戒鼓傳達于四方。窆亦如之。

戒鼓擊鼓以警衆也。故書戒爲駭。鄭司農云。窆謂葬下棺也。春秋傳所謂日中而殯。禮記謂之封。皆葬下棺也。音相似。窆讀如同劉皆通。鄧反。崩補。鄧反。汜芳。劒反。

縣喪首服之灋于宮門。

首服之灋。謂免髮笄總。廣狹長短之數。縣其書于宮門。示四方。○縣音玄。免音問。髮莊瓜反。

掌三公孤卿之弔勞。

王使往。○勞力報反。

王燕飲則相其灋。

相左右。○相息亮反。

王射則贊弓矢。

贊謂授之受之。

王砥燕朝則正位。掌擯相。

燕朝朝于路寢之庭。王圖宗人之嘉事則燕朝。

王不砥朝則辭于三公及孤卿。

辭謂以王不視朝之意告之。春秋傳曰。公有疾不視朝。

小臣掌王之小命。詔相王之小灋儀。

小命時事所勅問也。小灋儀趨行拱揖之容。

掌三公及孤卿之復逆。正王之燕服位。

司馬政官之職

謂燕居時也。玉藻曰：王卒食，玄端而居。

王之燕出入，則前驅。

燕出入，若今游于諸觀苑。○觀，古喚反。

大祭祀，朝覲，沃盥。

小祭祀，賓客饗食，賓射，掌事如大僕之灋。

賓射，與諸侯來朝者射。○盥，音管。

掌士大夫之弔勞。

凡大事，佐大僕。

祭僕，掌受命于王，以眡祭祀，而警戒祭祀有司，糾百官之戒具。

謂王有故，不親祭也。祭祀有司有事於祭祀者，糾謂校錄所當共之牲物。

既祭，帥羣有司而反命，以王命勞之。誅其不敬者。大喪，復于小廟。

小廟，高祖以下也。始祖曰太廟。春秋僖八年秋七月，禘於太廟。

凡祭祀，王之所不與，則賜之禽。都家亦如之。

鄭司農云：王之所不與，謂非郊廟尊祭祀則王不與也。則賜之禽，公卿自祭其先祖，則賜之禽也。玄謂王所不與，同姓有先王之廟。○與，音預。註同。

凡祭祀，致福者，展而受之。

臣有祭事，必致祭肉於君，所謂歸胙也。展，謂錄視其牲體數。體數者，太牢則以牛左肩臂，膾折九个，少牢則以羊左肩七个，特牲則以豕左肩五个。○昨，存故反。

膾，奴報反。折之，舌反。○昨，存故反。

唐禮

卷三十一

禮記

御僕掌羣吏之逆及庶民之復與其弔勞。

羣吏府史以下

大祭祀相盥而登。

相盥者謂奉槃授中與登謂為王登牲體於俎特牲饋食禮主人降盥出舉入乃七載○奉芳勇反為于偽反

大喪特娶。

娶棺飾也特之者來屨車○娶所甲反

掌王之燕令。

燕居時之令

以序守路鼓。

京更○更音庚

隸僕掌五寢之埽除糞洒之事。

五寢五廟之寢也周天子七廟惟祧無寢詩云寢廟釋釋相連貌也前曰廟後曰寢汜埽曰埽埽席前曰拊洒灑也鄭司農云洒當為灑玄謂論語日子夏之門人當洒掃應對○埽素報反糞方問反洒所賣反祧勅彫反拊方問反灑所買反

祭祀脩寢。

於廟祭寢或有事焉月令凡新物先薦寢廟

王行洗乘石。

鄭司農云乘石王所登上車之石也詩云有扁斯石履之卑今謂上車所登之石○乘如字上時掌反下同扁邊典反

掌蹕宮中之事。

周禮

卷三十一 司馬政官之職

上

禮記

宮中在事則蹕，鄭司農云蹕謂止行者清道，若今時做蹕。

大喪復於小寢大寢

小寢高祖以下廟之寢也，始祖曰大寢。

周禮卷三十一

終

周禮卷三十二

漢大司農北海鄭玄註

皇明後學東吳葛鼎訂

司馬政官之職

弁師掌王之五冕皆玄冕朱裏延紐

冕服有六，而言五冕者，大裘之冕蓋無旒，不聯數也。延冕之覆在上，是以名焉。紐，小鼻在武上，笄所貫也。今時冠卷當簪者，廣表以冠，繼其舊象與。數所主反卷起，全反表音茂，繼所買反。

五采繅十有二就皆五采玉十有二玉笄朱紘

繅，雜文之名也。合五采絲為之，繩垂於延之前后各十五，所謂遂延也。就，成也。繩之每一而貫五采玉十二旒，則十五玉也。

司禮

司馬政官之職

十一

永懷堂

玄冕紘在冠之上

每就開蓋一寸朱絃以朱組為絃也絃一條屬兩端於武纜不言皆有不皆者此為衰衣之冕十二旒則用玉三百八十八鶩衣之冕纁九旒用玉二百一十六毳衣之冕七旒用玉百六十八希衣之冕五旒用玉百二十玄衣之冕三旒用玉七十二○纁音早遠息遂反旒音留下同屬音燭鶩必滅反希張里反

諸侯之纁旒九就瑁玉三采其餘如王之事纁旒皆就玉瑁玉笄

侯當為公字之誤也三采朱白蒼也其餘謂延組皆玄覆朱裏與王同也由此則異纁旒皆就皆三采也每纁九成則九旒也公之冕用玉百六十二玉瑁塞耳者故書瑁作玩鄭司農云纁當為藻纁古字也藻今字也同物同音玩惡玉名○侯依注音公瑁本又作瑁亡貧反瑁吐練反

王之皮弁會五采玉璫象邸玉笄故書會作贈鄭司農云讀如馬會之會謂以五采束髮也士喪禮曰檜用組乃笄檜讀與肅同書之異耳說日以組束髮乃著

笄謂之檜沛國人謂反紒為檜璫讀如棊車轂之棊玄謂會讀如大會之會會縫中也璫讀如薄借棊之棊棊結也皮弁之縫中每貫結五采玉十二以為飾謂之棊詩云會弁如星又曰其弁伊棊是也邸下抵也以象骨為之○會劉古外反注同并論檜二字亦同璫亦其著張略反紒音計抵丁禮反劉音帝

王之弁經弁而加環經弁經王弼所服也其弁如爵弁而素所謂素冠也而加環經環經者大如緇之麻經纏而不糾司服職曰凡吊事弁經服

諸侯及孤卿大夫之冕韋弁皮弁弁經各以其等為之而掌其禁令

各以其等纁旒玉璫如其命數也冕則侯伯纁七就用玉九十八子男纁五就用玉五十纁玉皆三采孤纁四就用玉三十二三命之卿纁三就用玉十八再命之大夫藻再就用玉八藻玉皆朱綠韋弁皮弁則侯伯璫飾七子男璫飾五玉亦三采孤則

司馬政官之職



璫飾四，三命之卿璫飾三，再命之大夫璫飾二，玉亦二采，弁經之弁，其辟積如冕纁之就然，庶人弔者素委貌，一命之大夫冕而無旒，十變冕為爵弁，其韋弁皮弁之會無結飾，弁經之弁不辟積，禁今者不得相僭踰也。玉藻曰：君未有命，不敢即乘服，不言冠弁，冠弁兼於韋弁皮弁矣。不言服弁，服弁自天子以下，無飾無等。○辟積必亦反。

司甲

司兵掌五兵五盾，各辨其物，與其等，以待軍事。

五盾，干櫓之屬，其名未盡聞也。等，謂功祿上下。鄭司農云：五兵者，戈、矢、戟、戣、矛、夷、矛。○櫓音魯。

及授兵，從司馬之灋以頒之。及其受兵，輸亦如之。及其用兵，亦如之。

從司馬之法，令師旅卒兩人數所用多少也。兵輸謂師還，有司還兵也。用兵，謂出給衛守。○卒子忘反。

既勿說善者為上等，活說惡者為下等。

祭祀授舞者兵

授以朱干，玉戚之屬。至統曰朱干玉戚，舞大武。

大喪廡五兵

故書廡為淫，鄭司農云：淫，陳也。淫，謂為廡，玄謂廡與也。與，作明器之役。器，五兵也。士喪禮下篇有甲冑于棺。○廡，虛金反。與，虛應反。下同。笱字，又作笱，側白反。

軍事建車之五兵，會同亦如之。

車之五兵，鄭司農所云者是也。步卒之五兵，則無夷矛而有弓矢。

司戈盾掌戈盾之物而頒之。

分與授用。

既既云朝器之用器，有弓矢從者，內有甲冑于棺，注說天服。

祭祀授旅賁安故士戈盾授舞者兵亦如之。

亦頒之也故士王族故士也與旅賁尋當事則衛王也受如杖長乘有四尺。

軍旅會同授貳車戈盾建乘車之戈盾授旅賁及虎士戈盾。

乘車王所乘車也軍旅則韋路會同則金路。乘繩證反後乘馬陪乘參乘皆準此注依字。

及舍設藩盾行則斂之。

舍止也藩盾盾可以衛者如今之扶蘇與。

司弓矢掌六弓四弩八矢之灋辨其名物而掌其守藏與其出入

法曲直長短之數。

中春獻弓弩中秋獻矢箛。

及其頒之。王弓弧弓以授射甲革楛質者。夾弓廋弓以授射豸侯鳥獸者。唐弓大弓以授學射者。使者勞者。

弓弩成於和矢箛成於堅箛盛矢器也。以獸皮爲之。○中音仲箛音服盛音成。

王弧夾庾唐大六者弓異體之名也。往體寡來體多曰王弧往體多來體寡曰夾庾往體來體若一曰唐大甲革革甲也春秋傳曰蹲甲而射之質正也樹楛以爲射正射甲與楛試弓習武也豸侯五十步及射鳥獸皆近射也近射用弱弓則射大侯者用王弧射參侯者用唐大矣學射者弓用中後習強弱則易也使者勞者弓亦用中遠近可也勞者勤勞王事若習文侯文公受王弓矢之賜者故書楛爲艱鄭司農云楛字或作艱非是也國師職曰射則充楛質又此司弓矢職曰澤共射楛質之弓矢言射楛質自有弓謂王弧弓也以此觀之言艱質者非○射甲食亦反下以意求之楛張林反豸音岸使者所吏反注同蹲音存易以鼓反。

義疏無者字

原弓則服法不用則弛惟弩則用身不用張之後竟不弛故云恒服弦

最字義疏注疏本作

其矢箠皆從其弓

從弓數也每弓者一箠百矢

凡弩夾庾利攻守唐大利車戰野戰

攻城壘者與其自守者相迫近弱弩發疾也車戰野戰進退非強則不及弩無王孤王孤恒服弦往體少者使矢不疾

凡矢在矢黎矢利火射用諸守城車戰殺矢鏃矢用諸近射田獵

矰矢第矢用諸弋射恒矢痺矢用諸散射

此八矢者弓弩各有四焉在矢殺矢矰矢恒矢弓所用也黎矢鏃矢第矢痺矢弩所用也在矢者取名變星飛行有光今之飛牙是也或謂之兵矢黎矢象焉二者皆可結火以射敵守城車戰前於重後輕行疾也殺矢言中則死鏃矢象焉鏃之言候也二者皆可以司候射敵之近者及禽獸前尤重中淡而不可遠也結繳於矢謂之矰矰高也第矢象焉第之言荆也二者皆

可以弋飛鳥荆羅之也前於重又微輕行不低也詩云弋鳧與鷹恒矢安居之矢也庾矢象焉二者皆可以散射也謂禮射及習射也前後訂其行平也凡矢之制在矢之屬五分二在前三在後殺矢之屬參分一在前二在後矰矢之屬七分三在前四在後恒矢之屬軒輶中所謂志也鄭司農云庾矢讀為人罷短之罷玄謂庾讀如痺病之痺痺之言倫比○鏃音候矰音增第扶弗反中丁仲反下中淡射中同繳章蔡反矰平物反輶定周反痺方二反此毗志反

天子之弓合九而成規諸侯合七而成規大夫合五而成規士合

三而成規苟者謂之弊弓

體往來之衰也往體寡來體多則合多往體多來體寡則合少而圓弊猶惡也苟者惡則直者善矣○弊痺世反衰初危反

凡祭祀共射牲之弓矢

射牲示親殺也殺牲非尊者所親惟射為可國語曰禘郊之事天子必自射其牲

周禮

卷三 司馬政官之職

五

承襲定

字彙補箱

義疏王作甲

澤共射楫質之弓矢。

鄭司農云澤澤宮也所以習射選士之處也射義曰天子將祭必先習射於澤澤者所以擇士也巳射於澤而后射於射宮射中者得與於祭與音預

大射燕射兵弓矢如數并夾。

如數如當射者之數也每人一弓乘矢并夾矢箭也乘繩證反箭劉放輒反又女十反

大喪共明弓矢。

弓矢明器之用器也士喪禮下篇曰用器弓矢

凡師役會同頒弓弩各以其物從授兵至之儀。

物弓弩矢箠之屬從才用反

乱

田弋充籠箠矢共增矢。

籠竹箠也增矢不在箠者為共相繞相將用乃共之為于偽反

凡亡矢者弗用則更。

更償也用而棄之則不償

繕人掌王之用弓弩矢箠增弋挾拾。

鄭司農云挾者所以縱弦也拾者所以引弦也詩云挾拾既次詩家說或謂挾謂引弦彊也拾謂鞬扞也玄謂挾挾矢時所以持弦飾也著右手巨指士喪禮曰挾用正王棘若擇棘則天子用象骨與鞬扞著左臂裏以韋為之彊若侯反鞬古侯反扞胡旦反著丁略反

掌詔王射。

周禮

司馬政官之職

六

承襲室

告王當射之節

贊王弓矢之事。

授之受之

凡乘車充其籠箠載其弓弩。

充籠箠以盛矢

既射則斂之。

斂藏之也詩云彤弓召兮受言藏之○召昌逢反

無會計。

亡敗多少不計○會古外反下大會同後故此

橐人掌受財于職金以齎其工。

齎其工者給市財用之直○齎音咨後皆同

弓六物為三等弩四物亦如之。

三等者上中下人各有所宜弓人職曰弓長六尺六寸謂之上制上土服之弓長六尺三寸謂之中制中土服之弓長六尺謂之下制下土服之弩及矢箠長短之制未聞

矢八物皆三等箠亦如之春獻素秋獻成。

矢箠春作秋成

書其等以饗工。

鄭司農云書工攻拙高下之等以制其饗食也玄謂饗酒肴勞之也上工作上等其饗厚下工作下等其饗薄○勞洛報反

周禮

司馬政官之職

七

禮記

乘其事。試其弓弩。以下上其食而誅賞。

鄭司農云。乘。計也。計其事之成功也。故書試為考。玄謂考之而善。則上其食。尤善。又賞之。否者反此。○下上。時掌反。注同。

乃入功于司弓矢及繕人。

成功。

凡齋財與其出入皆在豪人。以待會而攻之。亡者闕之。

皆在豪人者。所齋工之財。及弓弩矢箠出入其簿。書豪人藏之。闕。猶除也。弓弩矢箠棄亡者除之。計今見在者。○見賢。遍反。

戎右掌戎車之兵革使。

使。謂玉使以兵有所誅斬也。春秋傳曰。戰於殺。晉梁弘御戎。萊駒為右。戰之明日。襄公縛秦囚。使萊駒以戎斬之。○使色。吏反。注使。謂同。

詔贊王鼓。

既告王當鼓之節。又助擊之。

傳王命于陳中。

為王大言之也。○陳。直慎反。為于偽反。

會同充革車。

會同。王雖乘金路。猶以革路從行也。充之者。謂居左也。曲禮曰。乘君之乘車。不敢曠左。

盟則以玉敦辟盟。遂役之。

鄭司農云。敦。器名也。辟。法也。玄謂將歃血者。先執其器為衆陳。其載辭。使心皆開辟也。役之者。傳敦血授當歃者。○敦音對。

贊牛耳。桃茢。

周禮

卷三

司馬政官之職

八

司馬

鄭司農云贊牛耳春秋傳所謂執牛耳者故書芻為滅杜子春云滅當為厲玄謂尸盟者割牛耳取血助為之及血在敦中以桃芻沸之又助之也耳者盛以珠盤尸盟者執之桃鬼所畏也芻音芻所以掃不祥○芻音列盛音成音條芻之受反

**齊右掌祭祀會同賓客前齊車王乘則持馬行則陪乘**

齊車金路王自整齊之車也前之者已駕王未乘之時陪乘參乘謂居右也齊右與齊僕同車而有祭祀之事則兼玉路之右然則戎右兼田右與○齊側皆反下齊車齊僕皆同

**凡有牲事則前馬**

王見牲則拱而式居馬前卻行備驚奔也曲禮曰國君下宗廟式齊牛

**道右掌前道車王出入則持馬陪乘如齊車之儀**

道車象路也王行道德之車

**自車上諭命于從車**

自由○從才用反

**詔王之車儀**

顧式之屬

**王式則下前馬王下則以蓋從**

以蓋從表傘

**大馭掌馭王路以祀及犯軼王自左馭馭下祀登受轡犯軼遂驅**

之

行山日軼犯之者封土為山象以菩芻棘栢為神主既祭之以車轅之而去喻無險難也春秋傳曰跋涉山川自由也王由左

司馬

卷三

司馬政官之職

九

司馬

馭禁制馬使不行也故書馭作罰杜子春云罰當為馭馭讀為別異之別謂祖道轅馭大也詩云載謀載惟取蕭祭脂取瓶以馭詩家說曰將出祖道犯馭之祭也聘禮曰乃舍馭飲酒于其側禮家說亦謂道祭○馭蒲未反注跋涉同菩音倍轅音歷難乃且反別彼列反磔陟格反瓶丁兮反舍音釋

及祭酌僕僕左執轡右祭兩軹祭軹乃飲

故書軹為軹軹為範杜子春云文當如此左不當重亦非是書亦或如子春言又云軹當作軹軹謂兩軹也其或言軹亦非是又云軹當為範範謂車前軹也或讀軹為簪笄之笄○軹音止軌音犯注軌同軹劉音雞重直龍反轉音衛軌當媿美反又音

凡馭路行以肆夏趨以采芻

凡馭路謂五路也肆夏采芻樂章也行謂大寢寤路門趨謂路門至應門○齊才私反

凡馭路儀以鸞和為節

舒疾之法也鸞在衡和在軾皆以金為鈴

戎僕掌馭戎車

戎車革路也師出王乘以自將○將子匠反

掌王倅車之政正其服

倅副也服謂眾乘戎車者之衣服○倅北內反

犯軼如玉路之儀凡巡守及兵車之會亦如之

軍如在

掌凡戎車之儀

司禮

卷三

司馬政官之職

十

承襲堂



凡戎車衆之兵車也書序曰武王戎車三百兩

齊僕掌馭金路以賓

以待賓客

朝覲宗遇饗食皆乘金路其灋儀各以其等為車送逆之節

節謂王乘車迎賓客及送相去遠近之數上公九十步侯伯七十步子男五十步司儀職曰車逆拜辱又曰及出車送

道僕掌馭象路以朝夕燕出入其灋儀如齊車

朝夕朝朝莫夕○朝夕直逢反朝朝上如字莫夕音暮

掌貳車之政令

其亦副

田僕掌馭田路以田以鄙

田路木路也田田獵也鄙循行縣鄙○行下孟反

掌佐車之政

佐亦副

設驅逆之車

驅驅禽使前趨獲逆衙還之使不出圍○衙本又作御同五嫁反

令獲者植旌

以告獲也植樹也

及獻比禽

司豐

司馬政官之職

七

承

田弊獲者各獻其禽比種物相從次數之○比毗志反

凡田王提馬而走諸侯晉大夫馳

提猶舉也晉猶抑也使人叩而舉之抑之皆上奔也馳放不扣

馭夫掌馭貳車從車使車

貳車象路之副也從車戎路田路之副也使車驅逆之車

分公馬而駕治之

乘調六種之馬

周禮三十二終

田馬

周禮卷三十三

漢大司農北海鄭玄註

皇明後學東吳金蟠訂

司馬政官之職

授人掌王馬之政

政謂差擇養乘之數也月令曰班馬政之異職

辨六馬之屬種馬一物戎馬一物齊馬一物道馬一物田馬一物

駕馬一物

種謂上善似母者以次差之玉路駕種馬戎路駕戎馬金路駕齊馬象路駕道馬田路駕田馬駕馬給官中之役

周禮

卷三司馬政官之職

禮記

凡頒良馬而養乘之。乘馬一師四圉。三乘為阜。阜一趣馬。三阜為繫。繫一馭夫。六繫為廐。廐一僕夫。六廐成技。技有左右。駑馬三良馬之數。麗馬一圉。八麗一師。八師一趣馬。八趣馬一馭夫。

良善也。善馬五路之馬。鄭司農云。四匹為乘。養馬為圉。故春秋傳曰。馬有圉。牛有牧。玄謂二耦為乘。師趣馬馭夫僕夫。師之各也。趣馬下士。馭夫中士。則僕夫上士也。自乘至廐。其數三百一十六匹。易乾為馬。此應乾之策也。至技變為言成者。明六馬為一廐。而王馬小備也。技有左右。則良馬一種者。四百三十二匹。五種合二千一百六十四。駑馬三之。則為千二百九十六匹。五良一駑。凡三千四百五十六匹。然後王馬大備。詩云。駑牝三千。此謂王馬之大數。與麗耦也。駑馬自圉至馭夫。凡馬千二十四匹。與三良馬之數。不相應。八皆宜為六。字之誤也。師十二匹。趣馬七十二匹。則馭夫四百三十二匹矣。然後而三之。既三之。無馭夫者。不駕於五路。卑之也。○乘繩證反。注同。早反。趣倉走反。繫音計。廐九又反。

天子平有二閑。馬六種。邦國六閑。馬四種。家四閑。馬二種。

宰殺之差。每廐為一閑。諸侯有齊馬道馬田馬大夫。八門。其有田馬。各一閑。其駑馬則皆分為三焉。○殺所界反。

凡馬特居四之一。

欲其乘之性相似也。物同氣則心一。鄭司農云。四之一者。三牝一牡。

春祭馬祖。執駒。

馬祖。天駟也。孝經說曰。房為龍馬。鄭司農云。執駒無令近母。猶攻駒也。二歲曰駒。三歲曰駟。玄謂執猶拘也。春通淫之時。駒弱血氣未定。為其乘匹傷之。○令力呈反。下令皆同。駟音肇。為于僞反。

夏祭先牧。頒馬攻特。

先牧始養馬者。其人未聞。夏通淫之後。攻其特。為其蹄齧。不可乘用。鄭司農云。攻特謂驟之。○驟音繩。

司禮 司馬 司馬政官之職 二 永懷堂

秋祭馬社。臧僕。

馬社始乘馬者世本作曰相士作乘馬鄭司農云臧僕謂簡練馭者令皆善也玄謂僕馭五路之僕○相息亮反

冬祭馬步。獻馬。講馭夫。

馬步神為災害馬者獻馬見成馬於王也馭夫馭馭之謂車從車使事者講猶簡習○見賢遍反從才用反無命餘也

凡大祭祀朝覲會同。毛馬而頒之。

毛馬齊其色也頒授當乘之

飾幣馬。執扑而從之。

鄭司農云校人主飾之也幣馬以馬遺人當幣處者也聘禮曰馬則北面奠幣于其前士喪禮亦篇曰薦馬纓王就入門北面

凡軍事。物馬而頒之。

物馬齊其力

等馭夫之祿。

馭夫於馭馬僕夫為中舉中見上下

宮中之稍食。

師圍府史以下也鄭司農云稍食曰廩

趣馬掌贊正良馬而齊其飲食。簡其六節。

贊佐也佐正者謂校人臧僕講馭夫之時簡差也節猶量也差擇王馬以為六等

掌駕說之頒。

周禮

司馬政官之職

三

水長

用馬之第次  
說始銳反

辨四時之居治以聽馭夫

居謂牧所處治為執  
馭攻特之屬○床音雅

巫馬掌養疾馬而乘治之相醫而藥攻馬疾受財于技人

乘謂驅步以發其疾知所疾處  
乃治之相助也○相息亮反

馬歿則使其賈粥之入其布于技人

布泉也鄭司農云賈謂其屬官  
小吏賈一人粥賣也○粥音育

牧師掌牧地皆有厲禁而頒之

頒馬授圍  
者所牧處

孟春焚牧

焚牧地以除  
陳生新草也

中春通淫

中春陰陽交萬物生之時可以合馬之牝牡也月令季春乃合  
累牛騰馬遊牝于牧秦時書也秦地寒涼萬物後動○中音仲  
累力  
追反

掌其政令凡田事贊焚萊

焚萊者山  
澤之虞

廋人掌十有二閑之政教以阜馬佚特教駢攻駒及祭馬祖祭閑  
之先牧及執駒散馬耳圉馬

司馬

卷三

司馬政官之職

四

司馬

九者皆有政教焉。阜盛壯也。詩云：四牡孔阜。杜子春云：供當為逸。鄭司農云：馬三歲曰駮，二歲曰駒。散讀為中散大夫之散。謂駮馬耳。母令善驚也。玄謂逆者用之不使甚勞，安其血氣也。散駮始乘習之也。攻駒制其蹄齧者，閑之先牧。先牧制閑者，散馬耳。以竹括押其耳，頭動搖則括中物，後遂串習，不復驚。○駮古活反，母音無，令力呈反，中物丁仲反，復扶又反。

正拔人員選

拔人，謂師圍也。正員選者，選擇可備員者平之。

馬八尺以上為龍，七尺以上為駮，六尺以上為馬。

大小異名。爾雅曰：駮，牡驪。牝玄駒，鬃驂。鄭司農云：以月令曰：駕蒼龍。○鬃奴了反。

圉師掌教圉人養馬。春除蓐，釁廄，始牧。夏序馬，冬獻馬。射則克棋質，茨牆則剪闔。

蓐，馬茲也。馬既出而除之，新釁馬，神之也。春秋傳曰：凡馬日中而出，日中而入，故字序為訝。鄭司農云：當為序，玄謂序廄也。廄所以庇馬涼也。充，猶居也。茨，蓋也。闔，苦也。棋質，剪闔，圉人所習也。杜子春讀棋為齊人言鈇棋之棋。棋質所射者，習射處。○蓐音辱，茨在私反，廄音甫反，射食亦反。

圉人掌養馬芻牧之事，以役圉師。

役者，圉師使令馬。

凡賓客喪紀，牽馬而入陳。

賓客之馬，王所以賜之者。詩云：雖無予之，路車乘馬。喪紀之馬，啓後所薦馬。

廄馬亦如之。

廄馬，遣車之馬。人捧之，亦牽而入陳。○捧扶恭反。

職方氏掌天下之圖以掌天下之地辨其邦國都鄙四夷八蠻七  
 閩九貉五戎六狄之人民與其財用九穀六畜之數要周知其利  
 害

天下之圖如今司空輿地圖也鄭司農云東方曰夷南方曰蠻  
 西方曰戎北方曰貉狄玄謂閩蠻之別也國語曰閩芋蠻矣四  
 八七九五六周之所服國數也財用泉穀貨賄也利金錫竹箭  
 之屬害神姦鑄鼎所象百物也爾雅曰九夷八蠻六戎五狄謂  
 之四海○閩亡巾反貉孟  
 白反畜許六反劉音如

乃辨九州之國使同貫利

貫事一者貫通也人君之於民猶水之於魚也  
 也

東南曰揚州其山鎮曰會稽其澤藪曰具區其川三江其浸五湖

其利金錫竹箭其民二男五女其畜宜鳥獸其穀宜稻

鎮名山安地德者也會稽在山陰大澤曰藪具區五湖在吳南  
 浸可以為陂灌漑者錫鑛也箭篠也鳥獸孔雀鸞鴛鴦犀象之  
 屬故書箭為晉杜子春云晉當為箭書亦或為箭○陂  
 彼宜反漑古愛反鑛音臘篠素了反鴛音交鵠音精

正南曰荊州其山鎮曰衡山其澤藪曰雲夢其川江漢其浸潁湛

其利丹銀齒革其民一男二女其畜宜鳥獸其穀宜稻

衡山在湘南雲夢在華容潁出陽城宜屬豫州在此非也湛未  
 聞齒象齒也革犀兕革也杜子春云湛讀當為人名湛之湛湛  
 或為淮○  
 晉亡貢反

河南曰豫州其山鎮曰華山其澤藪曰圃田其川滎雒其浸波澆

其利漆絲枲其民二男三女其畜宜六擾其穀宜五種

周禮

卷三 司馬政官之職

六

承讓堂

華山在華陰，圃田在中牟，榮，兗水也，出東垣，入于河，洑為榮。榮在滎陽，波瀆為播，禹貢曰：滎播既都。春秋傳曰：楚子除道梁溱，營軍臨隨，則溱宜屬荊州。在此非也。林，竹木也。六，擾馬。牛羊豕犬雞五種，黍稷菽麥稻。○溱音詐，都本或作豬。

正東曰青州，其山鎮曰沂山，其澤藪曰望諸，其川淮泗，其浸沂沐。

其利蒲魚，其民二男二女，其畜宜雞狗，其穀宜稻麥。

沂山，沂水所出也，在蓋，聖諸明都也，在睢陽。沐，出東莞，二男二女，數等似誤也，蓋當與兗州同。二男三女，鄭司農云：淮或為睢，沐或為洙。

河東曰兗州，其山鎮曰岱山，其澤藪曰大野，其川河洙，其浸廬維。

其利蒲魚，其民二男三女，其畜宜六擾，其穀宜四種。

岱山在博，大野在鉅野，廬維當為雷雍，字之誤也。禹貢曰：雷夏既澤，雍沮會同，雷夏在城陽，四種，黍稷稻麥。○洙，子禮反。

正西曰雍州，其山鎮曰嶽山，其澤藪曰弦蒲，其川涇汭，其浸渭洛。

其利玉石，其民三男二女，其畜宜牛馬，其穀宜黍稷。

嶽，吳嶽也，及弦蒲在沂，涇出涇陽，汭在幽地，詩大雅公劉曰：汭之即洛，出懷德。鄭司農云：弦或為沂，蒲或為浦。○雍於用反，汭如銳反，沂口干反，坳弓六反，詩作鞠。

東北曰幽州，其山鎮曰醫無閭，其澤藪曰豸養，其川河泚，其浸菑。

時其利魚鹽，其民一男三女，其畜宜四擾，其穀宜三種。

醫無閭在遼東，豸養在長廣，菑出菑蕪，時出般陽，四擾馬牛羊豕三種，黍稷稻，杜子春讀豸為奚。○豸音兮，般步干反。

河南曰冀州，其山鎮曰霍山，其澤藪曰楊紆，其川漳，其浸汾潞，其

利松柏，其民五男三女，其畜宜牛羊，其穀宜黍稷。



霍山在魏陽紆所在未聞章出長子汾出汾陽路出歸德○汾扶文反長子下文反

正北曰并州其山鎮曰恒山其澤藪曰昭餘祁其川虛池嘔夷其浸涑易其利布帛其民二男三女其畜宜五擾其穀宜五種

恒山在土曲陽昭餘祁在鄆庫池出鹵城嘔夷與出平舒漆出廣昌易出故安五擾馬牛羊犬豕五種黍稷菽麥稻也凡九州及山鎮澤藪言曰者以其非一曰其大者耳此州界揚荆豫兗雍冀與禹貢略同青州則徐州地也幽并則青冀之北也無徐梁○庫喚胡反池徙多反區烏侯反

乃辨九服之邦國方千里曰甸畿其外方五百里曰侯服又其外方五百里曰甸服又其外方五百里曰男服又其外方五百里曰采服又其外方五百里曰衛服又其外方五百里曰蠻服又其外

方五百里曰夷服又其外方五百里曰鎮服又其外方五百里曰藩服

服服事天子也詩云侯服于周

凡邦國千里封公以方五百里則四公方四百里則六侯方三百里則七伯方二百里則二十五子方百里則百男以周知天下

以此率徧知四海九州邦國多少之數也方千里者為方百里者百以方三百里之積以九約之得十一有奇云七百者字之誤也周九州之界方七千里七七四十九方千里者四十九其一為畿內餘四十八八州各有方千里者六周公變殷湯之制雖小國地皆方百里是每事言則者設法也設法者以待有功而大其封一州之中以其千里封公則可四又以其千里封侯則可六又以其千里封伯則可十一又以其千里封子則可二十五又以其千里封男則可百公侯伯子男亦不是過也州二

百一十國以男備其數焉其餘以為附庸四海之國黜陟之功亦如之雖有大國爵稱子而已鄭司農云此制亦見大司徒職曰諸公之地方五百里諸侯之地方四百里諸伯之地方三百里諸子之地方二百里諸男之地方百里○率音律奇紀宜反見賢  
遍反

凡邦國小大相維

大國比小國小國事大國各有屬相維聯也○比毗志反

王設其牧

選諸侯之賢者為牧使牧理之

制其職各以其所能

牧監參伍之屬用能所任秩次

制其貢各以其所有

國之地物所有

王將巡守則戒于四方曰各修平乃守攷乃職事無敢不敬國

有大刑

乃猶女也守謂國竟之內職事所當共具○女音汝竟音境共音恭

及王之所行先道帥其屬而巡戒令

先道先由王所從道君前行其前日所戒之令

王殷國亦如之

殷猶眾也十二歲王若不巡守則六服盡朝謂之殷國其戒四方諸侯與巡守同○朝直遙反

司禮

卷三

司馬政官之職

九

天復堂

王方氏掌土圭之灋以致日景

致日景者夏至景尺有五寸冬至景丈三尺其間則日有長短

以土地相宅而建邦國都鄙

土地猶度地知東西南北之溪而相其可居者宅居也相息亮反度待洛反溪尸鳩反

以辨土宜土化之灋而授任地者

土宜謂九穀值穉所宜也土化地之輕重糞種所宜用也任地者載師之屬

王巡守則樹王宮

為之潘羅

懷方氏掌來遠方之民致方貢致遠物而送迎之達之以節

遠方之民四夷之民也諭德延譽以來之遠物九州之外無貢灋而至者達民以旌節達貢物以壘節

治其委積館舍飲食

續食其往來續食音嗣

合方氏掌達天下之道路

津梁相奏不得阻絕

通其財利

茂遷其有無

同其數器

權衡不得有輕重

司豐

司馬政官之職

十

承慶堂

壹其度量

尺丈金鍾不得有大小

除其怨惡

怨惡邦國相侵虐

同其好善

所好所善謂風俗所高尚好呼報反

訓方氏掌道四方之政事與其上下之志

道猶言也為王說之四方諸侯也上下君臣也為于偽反

誦四方之傳道

正歲則布而訓四方

布告以教天下使知世所善惡

而觀新物

四時於新物出則觀之以知民志所好惡志淫行辟則當以政教化正之惡鳥路反行辟下孟反下匹亦反

形方氏掌制邦國之地域而正其封疆無有華離之地

杜子春云離當為雜書亦或為雜本謂華讀為狐咥之狐正之使不狐邪離絕

使小國事大國大國比小國

司禮

司馬政官之職

上

考慎堂

反注

傳道世世所傳說往古之事也為王誦之若今論聖德堯舜之道矣故書傳為傳杜子春云傳當作傳書亦或為傳○傳直專

比猶親也。易比象曰：先王以建萬國。親諸侯。

山師掌山林之名。辨其物。與其利害。而頒之于邦國。使致其珍異之物。

山林之名與物。若岱。畎。絲。枲。擘。陽。孤。桐。矣。利。其中人。用者。害。毒。物。及。螫。噬。之。蟲。獸。○。畎。古。犬。反。螫。音。釋。

川師掌川澤之名。辨其物。與其利害。而頒之于邦國。使致其珍異之物。

川澤之民與物。若泗。濱。浮。磬。淮。夷。蠙。珠。暨。魚。澤。之。雝。蒲。○。蠙。薄。田。反。

邊師掌四方之地名。辨其丘陵墳衍。邊隰之名。

地名。謂東原。大陸。之屬。○。邊。音。原。

物之可以封邑者。

物之。謂相其土地。可以居民立邑。○。相。息。亮。反。

匡人掌達瀆則。匡邦國而觀其慝。使無敢反側。以聽王命。

瀆。則。八。瀆。八。則。也。邦。國。之。官。府。都。鄙。亦。用。焉。慝。姦。偽。之。惡。也。反。側。猶。背。違。瀆。度。也。書。曰。無。反。無。側。王。道。正。直。

禋人掌誦王志。道國之政事。以巡天下之邦國而語之。

道。猶。言。也。以。王。之。志。與。政。事。論。說。諸。侯。使。不。迷。惑。

使萬民和說而正王面。

面。猶。鄉。也。使。民。之。心。曉。而。正。鄉。玉。○。說。音。悅。鄉。許。亮。反。

都司馬掌都之士庶子。及其衆庶車馬兵甲之戒令。

周禮卷三十三 終

以國瀆掌其政學。

政謂賦稅也。學修德學道。○政音征。

以聽國司馬。

聽者受行其所徵為也。國司馬大司馬之屬皆是。

家司馬亦如之。

大夫家臣為司馬者。春秋傳曰。叔孫氏之司馬饒戾。○饒子公反。

周禮卷三十三 終

